



Bosna i Hercegovina  
Federacija Bosne i Hercegovine  
Kanton Sarajevo  
OPĆINA VOGOŠĆA  
OPĆINSKI NAČELNIK  
Služba za komunalne poslove



Vogošća, ul. Jošanička br. 80, tel.fax: 00387 33 586-463, fax 033 586-401

Broj: 07-19-sl./21

Vogošća, 14.04. 2021. godine

Bosna i Hercegovina  
Federacija Bosne i Hercegovine  
KANTON SARAJEVO

BRNO: 16-04-2021

Broj predmeta	Klasifikaciona oznaka	Redni broj	Broj priloga
01	04	6550-82	257

SKUPŠTINA KANTONA SARAJEVO  
Ul. Reisa Džemaludina Čauševića 1  
71000 Sarajevo

**PREDMET: Odgovor na zastupničku inicijativu zastupnice Neire Dizdarević, veza akt broj:01-04-6550-82/21 od 25.03.2021. godine**

Na 33. Radnoj sjednici Skupštine Kantona Sarajevo, održanoj dana 03.03.2021. godine, u okviru tačke Dnevnog reda „Poslanička/zastupnička pitanja, inicijative i odgovori“, zastupnica Neira Dizdarević, u skladu sa članom 213. stav 1. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15, 48/16, 9/20 i 14/20), uputila je slijedeću zastupničku inicijativu:

„Na osnovu prijedloga građana molim javne organe pomenute u naslovu da kao jednu od mogućnosti povećanja kapaciteta saobraćaja u mirovanju budu privremena ili povremena parking mjesta u toku radnog vremena. U okviru inicijative treba preispitati sve asfaltirane površine, njihov način korištenja i prilagodbe za povremeno parkiranje. Građani kao dobar primjer navode jednosmjernu ulicu Grbavička sa dva kolosijeka, od čega je jedan pretvoren u parking prostor. Slično bi se moglo uraditi i sa ulicama Aleja Lipa i Kemala Kapetanovića, te nekim drugim ulicama, za što bi eksperti iz saobraćajne struke dali adekvatno rješenje. Pozitivan efekat bi se odrazio i na problem parkiranja na zelenim površinama.“

**ODGOVOR:**


Služba za komunalne poslove Općine Vogošća u okviru svojih redovnih poslova realizuje i aktivnosti na analizi i rješavanju problema parkirnih površina za motorna vozila. U okviru projekata rekonstrukcije saobraćajnica, posebno u centralnim dijelovima Općine, tretirane su i površine za saobraćaj u mirovanju (Ulice: Braće Kršo, Skendera Kulenovića, Feriza Merzuka, itd.). Također, trenutno se realizuju projekti u ulicama Branilaca Vijenca i Vogošćanskih odreda, u okviru kojih će se izgraditi nova parking mjesta, uključujući i rekonstrukciju saobraćajnice. Na području Općine Vogošća ima mali broj jednosmjernih ulica sa dvije saobraćajne trake, odnosno kao primjer se može navesti ulica Jošanička u okviru koje su u jednoj saobraćajnoj traci obilježeni parking prostori, a druga saobraćajna traka je ostavljena za nesmetan saobraćaj. U fazi je izrada Glavnog projekta podzemne garaže na lokalitetu pomoćnog terena stadiona „Hakija Mršo“, čime će se znatno povećati površine za saobraćaj u mirovanju. U narednom periodu će se uraditi Elaborat analize postojećeg stanja i prijedlog novih lokacija parking mjesta za motorna vozila na području Općine Vogošća. U saradnji sa Ministarstvom saobraćaja Kantona Sarajevo i u okviru svojih nadležnosti, Općina Vogošća, odnosno Služba za komunalne poslove će, na osnovu Elaborata, poduzimati aktivnosti na rješavanju problema saobraćaja u mirovanju u skladu sa finansijskim i prostornim mogućnostima.

Izradio: Adin Bairaktarević

\_\_\_\_\_

**Dostaviti:**

- naslovu
- u dosije



POMOĆNIK OPĆINSKOG NAČELNIKA

\_\_\_\_\_

rić